

ուժերը հայ իրականութեան մէջ, բովանդակ
Կովկասում, ամբողջ Ռուսաստանում :

Երեւոյթը իր խորը պատճառները ունէր
ոչ միայն կովկասեան եւ ռուսական իրականու-
թեան մէջ, այլ եւ դուրսը, արտասահմանում :
Դարձեալ յիշենք ժամանակը : Հայկական Հար-
ցը միջազգային դիւանագիտութեան սեղանի
վրայ էր դրուած 1878-ից, Բերլինի վեհաժողո-
վից սկսած : Ապշութեան աստիճանի տխմար
ռուս քաղաքագիտութեան ականջին «հայկա-
կան վտանգի» մասին էին փսփոսացել դիւանա-
գէտները : Եւ ո՞վ ամենից առաջ — նենգ Ալ-
բրինը, Ռուսիոյ դարաւոր թշնամին եւ ոստիւր :
Ահաբեկելու համար ռուս դիւանագէտներին,
կասեցնելու համար հայկական բարենորոգում-
ների պահանջից : Մի «նոր Բոլղարիա» չէին
ուզում ստեղծել ռուս քաղաքագէտները : Զա-
ռամած գլուխ Գորչակովին դեռ մի քանի տարի
առաջ (1878) Բիկոնաֆիլտը համոզել էր Բերլի-
նում, ձեռք քաշել Թրքահայաստանից : Այն
Գորչակովին, որ Կովկասի եւ Հայաստանի
քարտէսին անգամ ծանօթ չէր, որ գաղափար
չունէր առուձախի առարկայ դարձուած եր-
կիրների եւ նրանց սահմանների մասին :

Եւ ահա՛ նոր կարգախօս ռուս քաղաքագի-
տութեան համար — «Հայաստանը առանց հա-
յերի» : Ռուս աշխարհակալներին թափուր Հա-
յաստանն էր պէտք եւ ոչ թէ հայկական Հա-
յաստան : Հարկաւոր էր ուրեմն, որ ոչ միայն
սահմանի այն կողմը շղթայազերծուի համիդ-
եան բնակալուծիչները, «քարտ բլանշ» ստանա-
լով ձերմակ ցարից, հարկաւոր էր նաեւ, որ
Կովկասեան Հայաստանը եւ արեւելեան հա-
յութիւնը եւս ահաբեկման մատուցին : Այդպէս
էլ եղաւ : Կովկասահայ բովանդակ կեանքը եր-
կաթի օղակների մէջ առնուեցաւ : Մամուլը եւ
գրականութիւնը հալածուեցան : Ծայր տուաւ
քաղաքական-հասարակական մի վտանգաւոր
յետաշրջական հոսանք :

Այս վերջինը ուժ ստացաւ, թանձրացաւ
եւ համակեց մեր ներքին կեանքը նաեւ այն
պատճառով, որ հայութիւնը քաղաքականօրէն
յուսախար գտաւ ինքիւնքը : Պետութիւնները
դաւադրել ու դաւաճանել էին նրան, 61-րդ
յօդուածը մնում էր մեռած տառ : Յուսոյ եւ ոչ

մի նշան, ընդհակառակը համատարած յուսա-
լքումն :

Հասարակական յետաշրջութիւնը բնակա-
նարար չէր կարող չանդրադառնալ գրականու-
թեան մէջ : Ազատութեան երգը, յեղափոխա-
կան պայքարին նուիրուած արձակը չնչելու եւ
արտայայտուելու միջոց չունէին այլևս : Նրանց
անուանի ներկայացուցիչները, Պատկանեան եւ
Բաֆֆին, իրենց վերջին տարիներն էին ապ-
րում : Միեւնոյն ժամանակ, հրապարակ էին
իջնում նոր արձակագիրներ եւ բանաստեղծ-
ներ, բայց՝ բոլորովին տարբեր ուղղութեամբ :
Արձակագիրը իր ուշադրութիւնը դարձնում
է առօրեայ, իրական կեանքի վրայ, քնարա-
կան բանաստեղծն էլ ամփոփում է ինքն իր
մէջ, իր ներքին աշխարհը եւ ապրումները եր-
գել սկսում : Ե՛ւ մէկը, ե՛ւ միւսը ազատ էին
գոնէ արտաքին, դրաքննչական կաշկանդում-
ներից : Նոյնը չէ՞ր միթէ պարագան նաեւ ա-
րեւմտահայ իրականութեան մէջ : Նժման եւ ա-
ւելի յոռի պայմաններն էին պատճառներից
մէկը, թերեւս գլխաւորը, որ այնտեղ մեր գը-
րականութիւնը սահմանափակուեցաւ զուտ
բանաստեղծութեան, մասամբ էլ իրապաշտ
վիպագրութեան մէջ :

Կովկասահայ կեանքում սկիզբը դրուեցաւ
մի կողմից իրապաշտ վիպագրութեան եւ միւս
կողմից՝ քնարական բանաստեղծութեան : Ա-
ռաջինի շեշտուած ներկայացուցիչը, ռահա-
հորդը եղաւ Շիրվանզադէն, երկրորդինը՝
Յովհաննէս Յովհաննիսեան : Սխալ կը լինէր
պնդել, ի հարկէ, թէ նրանցից առաջ իրապաշտ
վէպը եւ զուտ քնարերգութիւնը տեղ չունէին
արեւելահայ գրականութեան մէջ : Ո՛չ. հէնց
նոյն Ռաֆայէլ Պատկանեանը եւ Բաֆֆին Շիր-
վանզադէից ու Յովհաննիսեանից դեռ շատ
տարիներ առաջ տուել էին նոյն ուղղութեամբ
յաջողուած գործեր : Եւ սակայն, այդ գրա-
կանութեան յատկանշական գիծը չէր, եւ,
ընդհակառակը, միանգամայն յատկանշանա-
կան՝ յիշեալ նորերի համար, կազմելով նրանց
ստեղծագործութեանց ուղն ու ծուծը :

Մասնաւորելով մեր խօսքը Յովհաննէս
Յովհաննիսեանի մասին, պիտի ասենք, որ նա
սկսաւ ստեղծագործել որպէս զուտ ֆիւպեր-
գակ եւ այդպէս էլ մնաց մինչեւ իր կեանքի